

四庫全書

史部

欽定四庫全書

史部

西漢會要卷

三十至  
三十三

詳校官編修臣范來宗

編修臣程嘉謨覆勘

總校官知縣臣楊懋珩

校對官編修臣盧 遜

謄錄監生臣吳拱極

欽定四庫全書

西漢會要卷三十

宋 徐天麟 撰

祥異下

地震

惠帝二年三月地震隴西厭四百餘家

厭一甲反下同

高后二年三月武都山崩地震至八月迺止

武帝征和二年八月癸亥地震厭殺人

宣帝本始四年四月壬寅地震河南以東四十九郡北海琅邪壞祖宗廟城郭殺六千餘人

元帝永光三年冬地震

並五行志

成帝建始三年十二月戊申其夜未央殿中地震

本紀

河平三年二月犍為地震積二十一日百二十四動

綏和二年九月丙辰地震自京師至北邊郡國三十餘

壞城廓凡殺四百一十五人

並五行志

山崩

高后二年正月武都山崩殺七百六十人

文帝元年四月齊楚地山二十九所同日俱發大水潰

出

並五行志

成帝建始三年越雋山崩

本紀

河平三年二月丙戌犍為柏江山崩損江山崩皆靡江水江水逆流壞城殺十三人

元延三年正月丙寅蜀郡岷山崩靡江水逆流三日

通

並五行志

石鳴

成帝鴻嘉三年乙亥天水冀南山石鳴聲隆隆如雷有頃止聞平襄二百四十里犢雞皆鳴石長丈三尺廣厚略等旁著岸脇去地二百餘丈民俗名曰石鼓石鼓鳴

有兵

五行志

石立

孝昭元鳳三年正月泰山萊蕪山南匈匈有數千人聲民視之有大石自立高丈五尺大四十八圍入地深八

尺三石為足石立處有白鳥數千集其旁

五行志

### 隕石

惠帝三年隕石縣諸一

武帝征和四年二月丁酉隕石雍二天晏亡雲聲聞四  
百里

元帝建昭元年正月戊辰隕石梁國六

成帝建始四年正月癸卯隕石橐四肥累一

陽朔三年二月壬戌隕石白馬八

鴻嘉二年五月癸未隕石杜衍三

元延四年三月隕石都關二

哀帝建平元年正月丁未隕石北地十其九月甲辰隕

石虞二

平帝元始二年六月隕石鉅鹿二

自惠盡平隕石凡十一皆有光耀雷聲成哀尤屢

並五行志

火災

鐵飛附

高后元年五月丙申趙叢臺災



惠帝四年十月乙亥未央宮凌室災丙子織室災

文帝七年六月癸酉未央宮東闕罌罍災

景帝中五年八月己酉未央宮東闕災

武帝建元六年六月丁酉遼東高廟災四月壬子高園  
便殿火

太初元年十一月乙酉未央宮栢梁臺災

昭帝元鳳元年燕城南門災

四年五月丁丑孝文廟正殿災

宣帝甘露元年四月丙申中山太上皇廟災甲辰孝文廟災

元帝初元二年四月己未孝武園白鶴館災

永光四年六月甲戌孝宣社陵園東闕南方災

成帝建始元年正月乙丑皇考廟災

鴻嘉三年八月乙卯孝景廟北闕災

永始元年正月癸丑大官凌室災戊午后園南闕災

四年四月癸未長樂宮臨華殿及未央宮東司馬門災

六月甲午孝文霸陵園東闕南方災

哀帝建平三年正月癸卯桂宮鴻寧殿災

平帝元始五年七月己亥高皇帝原廟殿門災盡

武帝征和二年春涿郡鐵官鑄鐵鐵銷皆飛上去

成帝河平二年正月沛郡鐵官鑄鐵鐵不下隆隆如雷

聲又如鼓音二十三人驚走音止還視地地陷數尺鑪

分為十一鑪中銷鐵散如流星皆上去

並五行志

旱

惠帝五年夏大旱江河水少谿谷絕

文帝三年秋天下旱 後六年春天下大旱

景帝中三年秋大旱 武帝元光六年夏大旱

元朔五年春大旱 元狩三年夏大旱

天漢元年夏大旱 三年夏大旱

征和元年夏大旱 昭帝始元六年大旱

宣帝本始三年夏大旱東西數千里

神爵元年秋大旱 成帝永始三年四月夏大旱

並五行志

蝗螟

景帝中三年秋蝗

武帝元光五年秋螟

六年夏蝗

元鼎五年秋蝗

元封六年秋蝗

大初元年夏蝗後東方飛來至燉煌

三年秋復蝗

征和三年秋蝗

四年夏蝗

平帝元始二年秋蝗徧天下

並五行志

人妖

哀帝建平中豫章有男子化為女子嫁為人婦生一子  
建平四年四月山陽方與女子田無嗇生子先未生二  
月兒啼腹中及生不舉葬之陌上三日人過聞啼聲母  
掘收養

平帝元始元年二月朔方廣牧女子趙春病死斂棺積  
六日出在棺外自言見夫死父曰二十七不當死六月  
長安女子有生兒兩頭異頸面相鄉四臂共脅俱前鄉  
尻上有目長二寸所

景帝二年九月膠東下密人年七十餘生角角有毛  
成帝建始三年十月丁未京師相驚言大水至渭水虎  
上小女陳特弓年九歲走入橫城門入未央宮尚方掖  
門殿門衛戶者莫見至句磻禁中而覺得

綏和二年八月庚申鄭通里男子王褒衣絳衣小冠帶  
劍入北司馬門殿東門上前殿入非常室中解帷組結  
佩之招前殿署長業等曰天帝令我居此業等收問褒  
故公車大誰卒病狂易不自知入宮狀下獄死哀帝建

平四年正月民驚走持橐或擲一枚傳相付與曰行詔  
籌道中相過逢多至千數或被髮徒跣或夜折關或踰  
牆入或乘車騎奔馳以置驛傳行經歷郡國二十六至  
京師其夏京師郡國民聚會厓巷阡陌設祭張博具歌  
舞祠西王母又傳書曰母告百姓佩此書者不死不信  
我言視門樞下當有白髮至秋止

鳥獸之妖

魚蛙附

宣帝黃龍元年未央殿輅軫中雌雞化為雄毛衣變化



而不鳴不將無距

雞禍

元帝初元中丞相府史家雌雞伏子漸化為雄冠距鳴

將

永光中有獻雄雞生角者

景帝三年十一月有白頸烏與黑烏羣鬪楚國呂縣白

頸不勝墮泗水中死者數千

白黑  
祥

昭帝元鳳元年有烏與鵲鬪燕王宮中池上烏墮池死

黑  
祥

昭帝時有鷦鷯或曰禿鷽集昌邑王殿下王使人射殺

之

青祥

成帝河平元年二月庚子泰山山桑有戴焚其巢巢難

盡墮地中有三戴雛燒死

黑祥

鴻嘉二年三月博士行大射禮有飛雉集于庭歷階登堂而鳴後雉又集太常宗正丞相御史大夫大司馬車騎將軍之府又集未央宮承明殿屋上

綏和二年三月天水平襄有燕生爵哺食至大俱飛去

景帝中六年梁孝王田北山有獻牛足上出背上

昭帝元鳳元年燕王宮永巷中豕出圜壞都竈銜其駟  
六七枚置殿前

昭帝元鳳元年九月燕有黃鼠銜其尾舞王宮端門中  
往視之鼠舞如故王使吏以酒脯祠鼠舞不休一日一

夜死

黃祥

成帝建始四年九月長安城南有鼠銜黃蒿柏葉上民  
冢柏及榆木上為巢桐柏尤多巢中無子皆有乾鼠矢

數十

昭帝時昌邑王賀聞人聲曰熊視而見大熊左右莫見  
高后八年三月被霸上過枳道見物如蒼狗擲高后掖

忽而不見

犬禍

文帝後五年齊雍城門外有狗生角

景帝三年二月邯鄲狗與鵠交

成帝河平元年長安男子石良劉音相與同居有如人  
狀在其室中擊之為狗走去後有數人被甲持兵弩至

良家良等格擊或死或傷皆狗也自二月至六月乃止  
鴻嘉中狗與玃交

成帝綏和二年二月大廐馬生角在左耳前圍長各二  
寸

哀帝建平二年定襄牡馬生駒三足隨羣飲食

惠帝二年正月癸酉旦有兩龍見於蘭陵廷東里溫陵  
井中至乙亥夜去

武帝元鼎五年蛙與蝦蟇羣鬪

大始四年七月趙有蛇從郭外入與邑中蛇鬪孝文廟

下邑中蛇死

蛇孽

成帝鴻嘉四年秋雨魚于信都長五寸以下

永始元年春北海出大魚長六丈高一丈四枚

哀帝建平二年東萊平度出大魚長八丈高一尺七

枚皆死

並五行志

草木之妖

惠帝五年十月桃李華棗實

五行志

文帝六年冬十月桃李華

本紀

昭帝時上林苑中大柳斷仆地一朝起立生枝葉有蟲食其葉成文字曰公孫病已立又昌邑王國社有枯木復生枝葉畦孟以為當有故廢之家公孫氏復民間受命為天子者

元帝初元四年皇后曾祖父濟南東平陵王伯墓門梓柱生枝葉上出屋

建昭五年元州刺史浩賞禁民私所自立社山陽橐茅

鄉社有大槐吏伐斷之其夜槐復立其故處

並五行志

成帝建始四年秋桃李實

本紀

永始元年二月河南街郵橈木生支如人頭眉目鬚皆具亡髮耳

哀帝建平二年十月汝南西平遂陽鄉柱仆地生支如人形身青黃色面白頭有髭髮稍長大凡長六寸一分建平三年零陵有木僵地圍丈六尺長十丈七尺民斷其本長九尺餘皆枯三月卒自立故處



元帝永光三年天雨草而葉相膠結大如彈

平帝元始三年正月天雨草狀如永光時

並五行志

雜變異

景帝三年十二月吳二城門自傾大船自覆

宣帝時大司馬霍禹所居第門自壞

成帝元延元年正月長安章城門牡自亡函谷關次門牡亦自亡

哀帝時大司馬董賢第門自壞

哀帝建平二年四月乙亥朔御史大夫朱博為丞相少府趙元為御史大夫臨延登受策有大聲如鐘鳴殿中

郎吏陞者皆聞焉

並五行志

元壽元年九月孝元廟殿門銅龜鋪首鳴

紀

平帝元始元年二月乙未義陵寢神衣在柙中丙申旦衣在外床上寢令以聞用太牢祠

紀

占驗

漢興承秦滅學之後景武之世董仲舒治公羊春秋始

推陰陽為儒者宗宣元之後劉向治穀梁春秋數其禍  
福傳以洪範與仲舒錯至向子歆治左氏傳其春秋意  
亦已乖矣言五行傳又頗不同是以檻仲舒別向歆傳  
載眭孟夏侯勝京房谷永李尋之徒所陳行事訖於王  
莽舉十二世以傳春秋著于篇

文具五行志  
此不詳載

漢興推陰陽言災異者孝武時有董仲舒夏侯始昌昭  
宣則眭孟夏侯勝元成則京房翼奉劉向谷永哀平則  
李尋田終術此其納說時君著明者也察其所言彷彿

一端假經設誼依託象類或不免乎億則屢中仲舒下  
吏夏侯囚執睦孟誅戮李尋流放此學者之大戒京房  
區區不量淺深危言刺譏結怨彊臣罪辜不旋踵亦不

密以失身悲夫

李尋  
贊

金度玉衡漢五星客流入八篇

藝文志  
下同

漢五星彗客行事占驗八卷

漢日旁氣行事占驗三卷

漢流星行事占驗八卷

漢日旁氣行事占驗十三卷

漢日食月暈雜變行事占驗十三卷

西漢會要卷三十

欽定四庫全書

西漢會要卷三十一

宋 徐天麟 撰

職官一

上公

四輔師友附

太師

臣天麟按沈約宋書云漢制保傅在三公上號曰上公

太師古官平帝元始元年初置位在太傅上

百官表下同

太傅

太傅古官高后元年初置金印紫綬後省八年復置後省哀帝元壽二年復置位在三公上

太保

太保古官平帝元始元年初置位次太傅

四輔

平帝元始元年授四輔之職

王莽傳張晏曰莽為太傅孔光為太師王舜為太保

甄豐為少傅是為四輔

師友



成帝時張禹以特進為天子師

本傳

平帝即位年幼選置師友大司徒孔光以明經高行為

孔氏師京兆尹金欽以家世忠孝為金氏友

金曰  
碑傳

### 三公

### 丞相

相國丞相皆秦官金印紫綬掌丞天子助理萬幾秦有

左右高帝即位置一丞相十一年更名相國綠綬

按表  
下卷

九年蕭何已遷相國  
此云十一年當考

孝惠高后置左右丞相文帝二年

復置一丞相有兩長史秩千石哀帝元壽二年更名大

司徒武帝元狩五年初置司直秩比三千石掌佐丞相

舉不法

臣天麟按司馬遷將相表云孝景元年置司徒官本表不載姑俟詳考

丞相徵事

任官以丞相徵事捕斬反者漢儀注徵事比六百石

丞相史

尹咸孫禁漢舊儀云秩四百石

丞相少史

王壽王禁漢儀注云武帝又置丞相少史秩四百石

東曹掾

嚴延平父為東曹掾云敞為大司徒掾

西曹掾

蕭由為丞相西曹掾丙吉傳西曹主吏

集曹掾

匡衡補陸賜集曹掾

奏曹

匡衡傳主陸賜故居奏曹

議曹

李尋見翟方進傳

主簿

匡衡傳主簿陸賜

大車屬

鄭崇為丞相大車屬

丞相屬

地理志朱贛

侍曹

陳遵傳

從史

匡衡遣從史之僮取田租

掾史

掾方進傳丞相宣帝戒掾史謹事臣天麟按掾史者屬官之總稱也漢舊注東西曹掾比

四百石餘掾比三百石屬比二百石正曰

掾副曰屬方進傳又云闔府三百餘人

宰士

翟方進傳師古曰謂丞相掾史為宰士者言其宰相之屬官而位為士臣

計相

張蒼為計相一月更以列侯為主計四歲蕭何為相令蒼以列侯居相府領郡國上計者

太尉

太尉秦官金印紫綬掌武事

表袁盎傳云本兵柄

高帝二年太尉長安侯盧綰五年罷太尉官十一年周

勃為太尉後官省

司馬遷將相表

惠帝六年置太尉官以周勃為太尉

本傳臣天麟按漢書及史記世家皆

云六年而功臣表云高后四年為太尉又將相表云高后四年置太尉官絳侯為太尉世家及兩表其文自相

牴牾今止

從世家

孝文三年罷太尉官屬丞相

本紀

孝景三年置太尉官

司馬遷將相表及漢書周亞夫傳

七年罷太尉官

本紀

孝武建元元年置太尉二年罷太尉官

史記將相表

元狩四年初置大司馬以冠將軍之號

師古曰冠者加於其上共為一官也

宣帝地節三年置大司馬不冠將軍亦無印綬置官屬  
成帝綏和元年初賜大司馬金印紫綬置官屬秩比丞相去將軍哀帝建平二年復去大司馬印綬置官屬冠將軍如故元壽二年復賜大司馬印綬置官屬去將軍位在司徒上有長史秩千石

百官表

大司馬司直

平帝名金欽為大司馬司直漢舊儀云武帝元狩五年初置

大尉史

溝洫志張戎漢儀注大尉史秩四百石

功曹

大將軍王鳳除蕭育功曹

西曹掾

樓護傳

大司馬掾

孝平本紀

議曹史

大司馬史高辟

衡為議曹史

門下史

大司馬車騎將軍名楊雄以為門下史

主簿

大司馬商除杜鄴主簿

御史大夫

御史大夫秦官位上卿

茂陵書御史大夫秩中二千石

銀印青綬掌副

丞相有兩丞秩千石一曰中丞在殿中蘭臺掌圖籍秘

書外督部刺史內領侍御史員十五人受公卿奏事舉  
劾按章成帝綏和元年更名大司空金印紫綬祿比丞  
相置長史如中丞官職如故哀帝建平二年復為御史  
大夫元壽二年復為大司空御史中丞更名御史長史  
侍御史有繡衣直指服虔曰指事而行無阿私也  
師古曰衣以繡者尊寵之也出討  
姦猾治大獄武帝所制不當置百官表

御史中執法

高紀晉灼曰中  
執法中丞也

御史中丞從事

于定國與御史中  
丞從事治反者獄



符璽御史

周昌傳趙堯為符璽御史

御史治書尚符璽者有印

綬表

治書御史

見上

監軍御史

胡建傳

御史大夫掾

何並大司空掾嚴延年為御史掾

西曹掾

大司空何武除鮑宣為西曹掾

主簿

御史大夫張忠命孫寶主簿曰西府高士俗不為主簿

少史

蕭望之使少史冠法冠為妻先引蘓林曰曹史之下者

御史屬

御史大夫除谷永補屬  
史記匡衡補御史百石屬

柱下令

高帝五年王恬啟為柱下令又張蒼為御史主柱下方書臣天麟按應劭官儀云侍

御史即柱下  
史故附于此

列卿

正卿九

劉熙釋云漢置十二卿一曰太常二曰太僕三曰衛尉四曰光祿勳五曰宗正六曰

執金吾七曰大司農八曰少府九曰大鴻臚十曰廷尉十一曰大長十二曰將作大匠韋昭辨云漢正卿九一曰太常二曰光祿三曰衛尉四曰太僕五曰廷尉六曰鴻臚七曰宗正八曰司農九曰少府是為九卿執金吾本故中尉掌檄巡宮外司執竊邪至武帝更執金吾為外卿不在九列大匠次金

吾長秋自皇后  
官非天子卿員

太常博士

奉常秦官掌宗廟禮儀有丞景帝中六年更名太常

師古

曰太常王者旌旗也王有大事則建以行禮官主奉持之故曰奉常也後改曰太常尊大之義也

屬官

有太樂太祝太宰太史太卜太醫六令丞又均官都水

兩長丞又諸廟寢園食官令長丞有廳太宰太祝令丞

如淳曰五時在廳故特置太宰以下諸官五時各一尉又博士及諸陵縣皆

屬焉景帝中六年更名太祝為祠祀武帝大初元年改

曰廟祀初置太卜元帝永光元年分諸陵邑屬三輔王

莽改太常曰秩宗

百官表

太常掾

朱博

太常掌故

晁錯

太史掌故

儒林傳房鳳

史書令史

藝文志

待詔

律歷志待詔李信治黃帝調歷

大典星

律歷志射姓

治厯 律厯志鄧平

望氣 李廣傳望氣王翔

望氣佐 郊祀志武帝遣望氣佐候蓬萊

高廟僕射 王莽傳上哀章持金匱至高廟以付僕射

廟郎 功臣表江德坐廟郎夜失火免

寢郎 馮參

園郎 班糴又金敞傳云故事近日皆隨寢為園郎

禮官大夫 徐生以頌為禮官大夫

曲臺署長 孟喜

寫書官

武帝置寫書之官當屬太史故附于此

博士

博士秦官掌通古今秩比六百石員多至數千人武帝建元五年初置五經博士宣帝黃龍元年稍增員十二

人

百官表

楊何易

歐陽書

后蒼禮

公羊春秋

以上武帝立

施孟易

梁丘易

大小夏侯尚書

穀梁春秋

大小戴禮

以上宣帝立

京氏易

元帝立

尤氏春秋

古文尚書

毛詩

逸禮

以上平帝立

博士弟子五十人

儒林傳武帝置

歌吹諸生

儒林傳

光祿勳

大夫僕射

郎

謁者

期門

羽林

郎中令秦官掌宮殿掖門戶有丞武帝太初元年更名

光祿勳

應劭曰光者明也祿者爵也勳功也

屬官有大夫郎謁者皆秦官

又期門羽林皆屬焉

百官表

掾光祿勳于永舉王嘉為掾

主事

張安世為光祿勳郎醉主事白行法

大夫

大夫掌論議有大中大夫中大夫諫大夫皆無員多至數十人武帝元狩五年初置諫大夫秩比八百石大初元年更名中大夫為光祿大夫秩比二千石大中大夫秩比千石如故

百官表



文學光祿大夫

夏侯勝

郎

郎掌守門戶出充車騎有議郎中郎侍郎郎中皆無員

多至千人議郎中郎秩比六百石侍郎比四百石郎中

比三百石中郎有五官左右三將秩皆比二千石郎中

有車戶騎三將秩皆比千石

百官表如淳曰主車曰車郎主戶衛曰戶郎漢儀注

郎中令主郎中左右車將主左右軍郎左右戶將主左右戶郎也

外郎

惠紀外郎滿六歲賜爵二級蘇林曰外郎散郎也

郎署長

馮唐為郎中署長師古曰為郎中而為郎署之長袁盎傳上幸上林郎署長布席引

卻謹夫

人坐

車郎

藝文志車郎張豐如淳曰主車曰車郎

輦郎

劉向

戶衛

功臣郭蒙

騎郎將

王吸李廣師古曰為騎郎之將主騎郎

郎中騎千人

功臣袁靳彊

謁者

謁者掌賓讚受事員七十人秩比六百石有僕射秩比

千石

百官表

### 期門

期門

服虔曰與期門下以微行後遂以名官

掌執兵送從武帝建元三年

初置比郎無員多至千人有僕射秩比千石平帝元始

元年更名虎賁郎置中郎將秩比二千石

百官表師古曰賁與奔同

言如猛獸之奔

### 給事期門

史記功臣表董忠

羽林

羽林

師古曰言其如羽之疾如林之多

掌送從次期門武帝大初元年

初置名建章營騎後更名羽林騎又取從軍死事之子

孫養羽林官教以五兵號曰羽林孤兒羽林有令丞宣

帝令中郎將騎都尉監羽林秩比二千石

百官表

羽林黃頭郎

鄧通

僕射

僕射秦官自侍中尚書博士郎皆有古者重武官有主

射以督課之軍屯吏騶宰永巷宮人皆有取其領事之

號百官表孟康曰皆有僕射隨所領之事以為號也  
若軍之吏則曰軍屯僕射永巷則曰永巷僕射

### 衛尉

衛尉秦官掌宮門衛屯兵

師古曰漢舊儀云衛尉寺在宮內胡廣云主宮闕之門內

衛士於周垣下為區廬若今之宿仗屋矣

有丞景帝初更名中大夫令後元

三年復為衛尉屬官有公車司馬衛士旅賁三令丞

師古曰漢

官儀云公車司馬掌殿司馬門夜徼宮中天下上事及

闕下凡所徵召皆總領之令秩六百石旅賁也賁與奔

同言為奔走之仁也衛士三丞又諸屯衛候司馬二十二官皆屬

馬長樂建章甘泉衛尉皆掌其宮職略同不常置

表百官

未央衛尉

李廣

長樂司馬

律歷志長樂司馬可臣天麟按長樂宮四面皆有公車司馬門每門各二司馬

此即八屯司馬之一也

衛司馬

谷吉鄭吉

衛候

馮奉世

長樂屯衛司馬

馮遂

長樂戶將

尹更始

建章監

衛青李陵

給事建章

衛青

公車大誰卒

五行志公車大誰卒注云大誰長令在司馬殿門衛士之師也

執盾

惠紀又功臣表孔聚

執戟

惠紀

武士

應劭曰力士也高祖使武士縛韓信是也

騶

惠紀師古曰本廐之馭者後又令為騎因謂騶騎也東方朔給騶侏儒

太僕

太僕秦官掌輿馬有兩丞屬官有大廄未央家馬

師古曰家

馬者主供天子私用非大祀戎事軍國所須故謂之家馬也

三令各五丞一尉又車

府路軫騎馬駿馬四令丞又龍馬閑駒橐泉駒駉承華

五監長丞又邊郡六牧師苑令

師古曰漢官儀云牧師諸苑三十六所分布北

邊西邊分養馬三十萬匹

各三丞又牧橐

師古曰牧橐言牧養佗也

昆䟽

應劭曰昆䟽好

馬名也

令丞皆屬焉中太僕掌皇太后輿馬不常置也

武帝太初元年更名家馬為桐馬

桐音徒孔反應劭曰主乳馬取其汁桐治

之味酢可飲

初置路軫



駿馬監

傅介子

平樂廐監

傅介子

移中監

蘇武師古曰移中廐名如淳曰移園之中馬廐

家車吏

齊受師古曰主漢王之車非軍國所用

廐司御

夏侯嬰為沛廐司御

農官

食貨志武帝水衡少府太僕大農各置農官

廷尉

廷尉秦官掌刑辟有正左右監秩皆千石景帝中六年

更名大理武帝建元四年復為廷尉宣帝地節三年初置左右平秩皆六百石哀帝元壽二年復為大理王莽

改曰作士

百官表又宣紀地節三年初置廷尉平四人

廷尉史

廷尉湯請博士弟子治尚書春秋補廷尉史見本傳又路溫舒奏曹掾補廷尉史子

定國郡次曹補廷尉史

奏讞掾

廷尉湯以兒寬為奏讞掾

奏曹掾

廷尉請路溫舒署奏曹掾

掾

廷尉以從史兒寬為之

從史

兒寬傳師古曰只隨官僚不主文書

廷尉文學卒史

兒寬以掌故功次補卒史

書佐

薛宣少為廷尉書佐

大鴻臚

典客秦官掌諸侯歸義蠻夷有丞景帝中六年更名大

行令武帝太初元年更名大鴻臚

應劭曰郊廟行禮護  
九賓鳴臚傳之也

屬官有行人譯官別火三令丞

如淳曰漢儀注別火獄  
令官主治改火之事

及郡邸長丞武帝太初元年更名行人為大行令初置

別火王莽改大鴻臚曰典樂初置郡國邸屬少府中屬

中尉後屬大鴻臚

百官表

主客

武帝時金岑為主客服又云主胡客屬大鴻臚

大鴻臚文學

平當治禮丞功次補文學

大行治禮

王莽傳公賓就故大行治禮

大行治禮丞

平當

大行卒史

儒林傳

宗正

宗正秦官掌親屬有丞平帝元始四年更名宗伯屬官

有都司空令丞

如淳曰律司空主水及罪人賈誼曰輸之司空編之徒官

內官長丞

師古曰律歷志厘分寸尺丈也

又諸公主家令門尉皆屬焉王莽并其

官於秩宗初內官屬少府中屬主爵後屬宗正

百官表

主傳

東方朔傳昭平君醉殺主傳

中府

東方朔傳館陶公主中府師古曰中府掌金帛之藏

舍人

周長孺師古曰舍人家人也主家事者也

大司農

治粟內史秦官掌穀貨有兩丞景帝後元年更名大農  
令武帝大初元年更名大司農屬官有大倉均輸平準  
都內籍田五令丞幹官

如淳曰幹音筭或作幹幹主均輸之事所謂幹鹽鐵而權酒酤

也

鐵市兩長丞又郡國諸倉農監都水六十五官長丞

皆屬焉搜粟都尉武帝軍官不常置王莽改大司農曰  
義和後更為納言初幹官屬少府中屬主爵後屬大司

農

百官表

大司農中丞管諸會計事

食貨志下  
桑弘羊

大司農部丞

食貨志桑弘羊請置大農部丞數十人分部主郡國平紀元始元年置大

司農部丞

十三人

大司農史

蕭望之傳李宮

大司農斗食屬

薛宣

治粟都尉

食貨志桑弘羊為治粟都尉領大農盡斡天下鹽鐵

農官

食貨志武帝水衡少府太農太僕各置農官

稻田使者

昭紀元鳳元年假稻田使者燕倉

權酤官

昭紀始元元年罷權酤官

少府

以上九卿

少府秦官掌山海池澤之稅以給共養

應劭曰名曰禁錢以給私養自

別為藏師古曰大司農供軍國之用少府以養天子也

有六丞屬官有尚書符節

大醫大官湯官導官

師古曰大官主膳食湯官主餅餌導官主擇米

樂府若盧

如淳曰若盧主藏兵器

考工室

臣瓚曰主作器械

左弋

師古曰地名

居室甘泉

居室左右司空東西織園匠

師古曰東園匠主作陵內器物

十二官令

丞又胞人

師古曰胞人主掌宰割者也胞與庖同

都水均官三長丞又上

林中十池監又中書謁者黃門鉤盾尚方御府

師古曰鉤盾主



近苑園尚方主作禁器  
物御府主天子衣服也

永巷內者宦者七官令丞諸僕

射署長中黃門皆屬焉武帝太初元年更名考工室為  
考工左弋為飲飛居室為保宮甘泉居室為昆臺永巷  
為掖廷飲飛掌弋射有九丞兩尉大官七丞昆臺五丞  
樂府三丞掖廷八丞官者七丞鉤盾五丞兩尉成帝建  
始四年更名中書謁者令為中書謁者令初置尚書員  
五人有四丞河平元年省東織更名西織為織室綏和  
二年哀帝省樂府王莽改少府曰共工

百官表

蕭望之領尚書事建白以為尚書百官之本國家樞機宜以通明公正處之武帝游宴後庭故用宦者非古制也宜罷中書宦官應古不近刑人元帝

不聽

本傳

成帝建始四年春罷中書宦官

臣瓚曰漢初中人有中謁者令孝武

中謁者令為中書謁者令置僕射宣帝加時任中書官弘恭為令石顯為僕射元帝即位數年恭死顯代為中書令專權用

初置尚書員五人

師古曰漢舊儀

事至成帝乃罷其官云尚書四人為四曹常侍尚書主丞相御史事二千石尚書主刺史二千石事戶曹尚書主庶人上

書事主客尚書主外國事成帝置五  
人有三公曹主斷獄事並見本紀

尚書郎

史記功臣表王遷宋百  
官志云西漢舊置四人

尚書史

藝文志

給事尚書

張安世為郎用善書給事尚書

尚符璽郎

霍光傳

大醫監

霍光傳

侍醫

藝文志侍醫李柱國校方  
書郎古曰侍天子之醫

大官獻食丞

陳湯

大官獻丞

張勃  
張勳  
林注  
云主貢獻功

食監

昌邑王詔大官趣具亡闕食監

尚食

惠紀

尚席

周亞夫傳漢儀注省中有五尚曰尚食尚冠尚衣尚席尚帳後遂省并尚食於大官湯官

樂府音監

張放傳音監景武  
孟康曰監主樂人

樂府游徼

張放傳游徼莽

令史

張放傳

東織室令史

宣帝紀張敖

中書僕射 石顯

黃門倡 藝文志車忠

倡監 東方朔傳

馬監 金日磾

黃門駙馬 蘇武傳官騎與黃門駙馬爭船師

狗監 蜀人楊得意為狗監師

給事狗監 古曰天子田獵犬

鉤盾冗從 藝文志李步昌

尚方待詔

郊祀志下

掖庭獄丞

趙后傳籍武

掖庭牛官令

趙后傳

掖庭戶衛

許后傳

少內嗇夫

丙吉傳注云掖庭主府藏之官

暴室丞

一作薄室師古曰掖庭主織作梁練之署三輔黃圖謂之暴室取暴曬為名耳有嗇

夫官

屬

暴室嗇夫

許廣漢

農官

食貨志武帝水衡少府皆置農官

中謁者

高紀封中謁者張釋卿為列侯如淳曰灌嬰為中謁者後常以閹人為之諸官加中

者多閹人也

中涓

曹參傳令以中涓從如淳曰中涓如中謁者也師古曰涓潔也言其在中主知潔清掃洒

之事蓋親近左右也

協律都尉

李延年

海丞

平紀元始元年置師古曰主海稅

果丞

平紀元始元年置師古曰掌諸果實

採珠玉金銀之官

貢禹傳

執金吾

中尉秦官掌徼循京師有兩丞候司馬千人武帝太初

元年更名執金吾

師古曰金吾鳥名也主辟不祥天子出行主先導以禦非常故執此鳥之

象

屬官有中壘寺五武庫都船四令丞都船武庫有三

丞中壘兩尉又武道左右中候候丞及左右京輔都尉

尉丞兵卒皆屬焉初寺五屬少府中屬主爵後屬中尉

自大常至執金吾秩皆中二千石丞皆千石

百官表



備盜賊中尉

史記淮南王傳備盜賊中尉臣福

都船獄吏薛宣

將作大匠

將作少府秦官掌治宮室有兩丞左右中候景帝中六年更名將作大匠屬官有石庫東園主章左右前後中校七令丞又主章長丞武帝太初元年更名東園主章為木工成章陽朔三年省中候及左右前後中校五丞

百官表

欽定四庫全書

典屬國

典屬國秦官掌蠻夷降者武帝元狩三年昆邪王降復增屬國置都尉丞候千人屬官九譯令成帝河平元年省并大鴻臚

百官表

武帝紀元狩二年

表作三年當考

匈奴昆邪王殺休屠王

并將其屬合四萬餘人來降置五屬國以處之

注云

凡言增屬國者皆增屬國都尉也

安定

三水

天水

勇士

上都 龜茲

西河 關魏

五原

以上並屬國都尉治 地理志

宣帝神爵二年置金城屬國以處降羌 本紀

五鳳三年置西河北地屬國以處匈奴降者 本紀

水衡都尉

水衡都尉武帝元鼎二年初置掌上林苑有五丞屬官  
有上林均輸御羞禁圃輯濯鍾官技巧六殿辯銅九官

令丞

如淳曰御羞地名也在監田其土肥沃多出御物  
可進者楊雄傳謂之御宿三輔黃圖御羞宜春皆

欽定四庫全書

西漢會要  
卷三十一

三

苑名也輯濯船官也鍾官主鑄錢官也辨銅主分別銅之種類也師古曰御宿則今長安城南御宿川也不在藍田羞宿聲相近故或云御羞或云御宿耳羞者珍羞所出宿者止宿之義輯讀與輯同音集濯音直孝反皆所以行船也漢舊儀云天子六殿未央丞華駟駘駘馬輅輅大廡也馬皆萬匹據此表大僕屬官以有大廡未央輅輅駢馬駟駘丞華而水衡又云六殿技巧官是則技巧之徒供大廡者其官別屬水衡也

又衡官

水司空都水農倉又甘泉上林都水七官長丞皆屬焉

上林有八丞十二尉均輸四丞御羞兩丞都水三丞禁

圃兩尉甘泉上林四丞成帝建始二年省技巧六殿官

王莽改水衡都尉曰予虞初御羞上林衡官及鑄錢皆

屬少府

百官表

虎圈嗇夫

張釋之

輯濯士

劉屈氂傳師古曰主用輯及濯行船者也

農官

食貨志武帝水衡少府皆置農官

領護三輔都水

息夫躬劉向又馮參領護佐馮翊都水

西漢會要卷三十一

欽定四庫全書

西漢會要卷三十二

宋 徐天麟 撰

職官二

宮官

詹事

詹事秦官

應劭曰詹省也給也臣瓚曰茂陵書詹事秩直二千石

掌皇后太子家

有丞

師古曰皇后太子各置詹事隨其所在以名官

屬官有太子率更家令丞

僕中盾衛率厨廩長丞

張晏曰太子稱家故曰家令臣瓚曰茂陵中書太子家令秩八

百石應劭曰中盾主周衛徼道秩四百石如淳曰漢儀注衛率主門衛秩千石師古曰掌知漏刻故曰率更自

此以上太子之官也更音工衡反

又中長秋私府永巷倉廩祠祀食官

令長丞諸官官皆屬焉

師古曰自此以上皆皇后之官

成帝鴻嘉三年

省詹事官并屬大長秋

百官表師古曰省皇后詹事總屬長秋也

中廩令

桑弘羊為中廩令三輔黃圖云中廩皇后車馬所在

中御府令

霍光傳中御府令高昌又谷永傳願減中御府用度

中少府

王昌韓勲師古曰皇后官



舍人

功臣表成陶侯周信為昌氏舍人

### 長信詹事

長信詹事掌皇太后宮景帝中六年更名長信少府平

帝元始四年更名長樂少府

百官表張晏曰以太后所居宮為名也居長信宮則

曰長信少府居長樂宮則曰長樂少府也

哀帝即位尊定陶太后曰共皇太后丁姬曰共皇

后各置左右詹事

本紀臣天麟按詹事置左右始於此

建平二年尊傅太后為皇太太后稱永信宮丁太

后為帝太后稱中安宮而成帝母太皇太后本稱  
長信宮成帝趙后為皇太后並四太后各置少府

太僕秩皆中二千石

外戚傳

中太僕掌皇太后輿馬

見太僕條

長信太僕

王莽傳長信太僕闕臣天麟按此  
官即哀帝所置四大僕之一也

長樂衛尉

見衛尉條

長樂長御

王莽傳上

長信庭林表

叙傳師古曰林表官名長信宮  
庭之林表孟康曰婦人之官也

太公家令

附

太公僕

史記功臣表嚴彭祖

大長秋

將行秦官

應劭曰皇  
后卿也

景帝中六年更名大長秋

師古曰  
秋者收

成之時長者常久之  
義故以為皇后官名

或用中人或用士人

百官  
表

太子太傅少傅

太子太傅少傅古官屬官有太子門大夫

應劭曰員五  
人秩六百石

庶子

應劭曰員五  
人秩六百石

洗馬

張晏曰員十六人秩比謁者  
如淳曰前驅也洗或作先

舍

人漢官儀云  
秩二百石

太子中庶子

史丹金敞皆為之臣天麟按鄒陽傳  
秦任中庶子蒙恬扁鵲傳饒有中庶

子則六國時已有此官沈約云  
漢置六典云秦官皆非是也

太子御駟乘

惠紀

護太子家

元帝詔史丹

軍官

大將軍

高帝拜韓信為大將軍

本傳

景帝拜竇嬰為大將軍

本傳

武帝以衛青為大將軍位在諸公上

史記汲黯傳

元狩四年置大司馬位大將軍驃騎將軍皆為大司馬

霍去病傳按後漢志云初武帝以衛青數征伐有功為大將軍欲尊寵之以古尊官唯有三公諸將軍始自秦晉以為卿號故置大司馬官號以冠之其後霍光王鳳等皆然

莫府

大將軍長史

丙吉自軍市令遷

大將軍軍中司馬

王鳳奏請王尊補

莫府校尉

霍光擅調益莫府校尉

大將軍從事中郎

王鳳奏以陳湯為之

大將軍軍監

匈奴傳上治衆等四人

大將軍史

王仲翁漢儀注大將軍史秩四百石

給事大將軍莫府

蔡義

票騎將軍

史記作剽騎

武帝元狩四年置大司馬位大將軍票騎將軍皆為大

司馬定令票騎將軍秩祿與大將軍等

霍去病傳

莫府

票騎將軍司馬

趙破奴

鷹擊司馬

霍去病傳趙破奴

票姚校尉

霍去病為之荀悅漢紀作票姚

驃騎將軍史

藝文志朱字

車騎將軍

高帝八年遷斬欵為車騎將軍

本傳

宣帝地節三年拜張安世為大司馬車騎將軍領尚書

事七月罷車騎將軍屯兵兩宮衛尉城門北軍兵屬焉

張安

世傳

車騎將軍王音以外親宜典兵馬入為將軍

元后傳

莫府

車騎將軍長史趙充國由中郎遷

車騎都尉韓昌夫馮唐拜車騎都尉主車尉及郡國車士

從事中郎大司馬車騎將軍王音踵故選置從事毋將隆

車騎將軍市令丙吉



車騎將軍掾

王舜表奏云敞為掾

車騎將軍千人

王莽傳上扈雲師古曰  
千人官名屬車騎將軍

衛將軍

山都正侯王恬啟以衛將軍擊陳豨

功臣表

文帝即位拜宋昌為衛將軍領南北軍二年罷衛將軍

紀

張安世拜大司馬車騎將軍領尚書事數月更為衛將

軍

本傳

欽定四庫全書

西漢會要  
卷三十二

六

莫府

衛將軍舍人

史記衛將軍舍人百餘人田仁以壯勇為衛將軍舍人

衛將軍掾

蕭由

前後左右將軍

前後左右將軍皆周末官秦因之位上卿金印紫綬漢不常置或有前後或有左右皆掌兵及四夷有長史秩

千石

百官表

莫府

右將軍史

律歷志詔右將軍史雜候清臺

列將軍

別將并莫府附

上將軍

高后七年以趙王呂祿為上將軍見本紀

游擊將軍

功臣表高帝初陳豨以游擊將軍別定代

復土將軍

文紀後七年張武為復土將軍如淳曰主穿墻寘瘞事

將屯將軍

文紀後七年令屬國悍為將屯將軍

復土都尉

哀帝崩蕭由為復土都尉元后崩原涉守復土都尉

驍騎將軍

武紀元光二年李廣

驍騎都尉

功臣表齊受驍騎都尉又史記功臣表董忠為梟騎都尉

護軍將軍

韓安國傳元光二年為護軍將軍諸將皆屬焉

輕車將軍

武紀元光二年公孫賀為輕車將軍

輕車都尉

材官將軍

武紀元光二年大中大夫李息為材官將軍

騎將軍

武紀元光六年騎將軍公孫敖出代下又云代郡將軍

伏波將軍

元鼎五年路博德為伏波將軍見南粵傳

伏波司馬

功臣表蘓弘

樓船將軍

元鼎五年楊僕為樓船將軍見南粵傳

戈船將軍

武紀元鼎五年歸義越侯嚴為戈船將軍  
師古曰船下安戈戟以防蛟鼉水蟲之害

下瀨將軍

武紀元鼎五年甲為下瀨將軍

橫海將軍

武紀元鼎六年韓說

橫海校尉

東粵傳橫海校尉福

浮沮將軍

武紀元鼎六年公孫賀

匈奴將軍

武紀元鼎六年趙破奴

十二部將軍

武紀元封六年詔曰朕將巡邊  
垂置十二部將軍親帥師焉

拔胡將軍

元封四年郭昌見本傳

中將軍

公孫敖以中將軍從大將軍再出定襄見本傳

因杆將軍

太初元年公孫敖見本紀服虔曰因杆地名因所征以名將軍

貳師將軍

太初元年以李廣利為貳師將軍期至貳師城取善馬故號貳師將軍見本傳

執馬校尉

武帝拜習者二人為執驅馬校尉

驅馬校尉

浚稽將軍

武紀太初三年趙破奴應劭曰浚稽山在武威北

彊弩將軍

武帝立十七歲李沮呂尤內史為彊弩將軍

彊弩將軍長史 韓延壽請嚴延年為長史

彊弩都尉

度遼將軍

昭紀元鳳二年以中郎將范朋友為度遼將軍應劭曰當度遼水往擊烏桓故以為號

虎牙將軍

宣紀本始二年田順

蒲類將軍

宣紀本始二年趙充國晉灼曰匈奴傳有蒲類澤

祁連將軍

宣紀本始二年田廣明應劭曰祁連匈奴中山名也

破羌將軍

宣紀神爵元年辛武賢

護羌將軍

見王尊傳

護羌將軍轉校尉

師古曰為校尉主轉運事而屬護羌將軍也王尊為之

奮威將軍

元紀永光二年以太常任千秋為奮威將軍馮奉世傳作奮武將軍未詳孰誤

建威將軍

永光三年韓安國

步兵將軍

平帝元始五年執金吾王駿見百官表下

文成將軍

武帝元狩中拜少翁文成將軍見封禪書

五利將軍

封禪書元鼎四年拜樂大為五利將軍得四印佩天士將軍地士將軍大通將軍印

天士將軍

見上

地士將軍

見上



大通將軍

見上

天道將軍

封禪書天子又刻玉印曰天道將軍使使立白茅上五利亦立白茅上天道者且為天子

道天神也

別將

重將

功臣表南安侯宣虎以重將破臧荼侯師古曰主將領輜重也

廢將

功臣表留侯張良以廢將起下邳

城將

功臣表東武侯郭蒙入為漢城將師古曰將策城之兵

右林將

功臣表漢三年宋子侯許惲用趙右林將初從師古曰猶言羽林之將

弩將

功臣表清簡侯室中同以弩將初起從入漢

總莫府

軍正

正平楊僕

軍正丞

胡建傳天漢中建守軍正丞師古曰南北軍各有軍正正又置丞

都尉

蕭何傳上令卒五百人一都尉為何衛爰盎傳吳王使一都尉以五百人圍守盎

長鉦都尉

功臣表周竈史記作長鉞

軍門都尉

周亞夫傳

校司馬

趙充國傳諸校司馬

輕騎校尉

衛青傳郭成

營軍司馬

車騎將軍音請谷永補營軍司馬

軍司馬

楊敞給事大將軍莫府為軍司馬

左司馬

孔聚以左司馬入漢

右司馬

陳胥以右司馬擊項籍侯

騎司馬

王虞人以騎司馬從

車司馬

王競以車司馬從張晏曰主車官

軍司空

杜延年補軍司空蘇林曰主獄官也

軍司空令

前將軍增奏馮奉世為之

連敖

韓信歸漢為連敖李奇曰楚官名

軍候假丞

陳湯傳杜勳

將軍舍人

魏尚饗軍吏舍人

軍武庫令

王鳳奏請杜欽為大將軍軍武庫令

門尉

芒侯彫跽以門尉初起碣

壘尉

主壘壁之事

軍匠

梧侯陽城延以軍匠從

職志

沛公以周昌為職志應劭曰掌主幟也

駢騎

功臣表許益以駢騎從師古曰二馬曰駢騎謂並兩騎為軍翼也

說衛

許益以說衛入漢師古曰說讀曰稅謂軍行初舍止之時為衛

隊率

申屠嘉林官遷為隊率

隊史

棘丘侯襄以執盾隊史從

執矛

中邑侯朱進以執矛從並功臣表

護軍都尉

護軍都尉秦官武帝元狩四年屬大司馬成帝綏和元

年居大司馬府比司直哀帝元壽元年更名司寇平帝

元始元年更名護軍

百官表

護軍中尉

高帝時陳平護軍中尉使盡護諸將見本傳

護軍射師

藝文志王賀

司隸校尉

司隸校尉周官武帝征和四年初置持節從中郎都官

徒千二百人捕巫蠱督大姦猾後罷其兵察三輔三河

弘農元帝初元四年去節成帝元延四年省綬和二年哀

帝復置但為司隸冠進賢冠屬大司空比司直

百官表

從事 鮑宣使

掾

趙后傳司隸解光遣從事掾業史望

史

趙后傳見上

假佐

王尊傳假佐放

城門校尉

城門校尉掌京師城門屯兵有司馬十二城門候

百官表又

劉屈氂傳云武帝征和二年以太  
子在外始置屯兵長安諸城門

領城門兵

孔光為太師領城門兵王音為特進領城門兵置莫府得舉吏如將軍

城門令史

王莽傳王興者故城門令史

八校尉

中壘 屯騎 步兵 越騎 長水 胡騎 射聲 虎賁

中壘校尉掌北軍壘門內外掌西域

師古曰掌北軍壘門之內而又外掌

西域屯騎校尉掌騎士步兵校尉掌上林苑門屯兵越騎

校尉掌越騎

如淳曰越人內附以為騎也晉灼曰取其材力超越也師古曰宣紀言飲飛射士胡

越騎又此有胡騎校尉如說是

長水校尉掌長水宣曲胡騎

師古曰長水胡名也

宣曲觀名胡騎之屯以宣曲者

又有胡騎校尉掌池陽胡騎不常置

古師



曰胡騎之屯池陽者也

射聲校尉掌待詔射聲士

服虔曰工射者也冥冥中聞聲

則中之因以名也應劭曰須詔所命而射故曰待詔射也

虎賁校尉掌輕車凡八校

尉皆武帝初置有丞司馬自司隸至虎賁校尉秩皆二

千石

百官表臣天麟按中壘校尉掌北軍則知八校皆北軍也東都五營即八校之併省者而後書每有

北軍五校之稱則八校屬北軍又明矣

監北軍使者

劉屈氂傳任安又史記武帝使任安護北軍

北軍錢官

史記任安笞辱北軍錢官

西域都護

西域都護加官宣帝地節二年初置以騎都尉諫大夫

使護西域三十六國有副校尉秩比二千石丞一人司

馬候千人各二人

百官表又西域傳云都護治烏壘城去陽關二千七百八里

陽威白虎合騎之校

陳湯斬郅支益置陽威白虎合騎之校見本傳

屯田校尉

西域傳云武帝通西域而輪臺渠犂皆有田卒數百人置使者校尉領護以給

使外國者至宣帝置都護匈奴益弱不得近西域於是徙屯田於北胥鞬莎車之地屯田校尉始屬都護

渠犂田官

西域傳即謂屯田校尉

北假田官

元紀初元五年罷北假田官

伊循都尉

西域傳元鳳四年立尉屠耆為樓蘭王  
更名其國為鄯善王請曰國中有伊城

願漢遣一將屯田積穀令臣得依其威重於是漢  
遣司馬一人吏士四十人田伊循以鎮撫之其後

更置都尉伊循

官置始此矣

司馬

見上

護羌使者

大司馬音薦長史谷永為之

戊巳校尉

西域傳元帝置戊巳校  
尉屯田車師前王庭

戊巳校尉元帝初元元年置有丞司馬各一人候五人

秩比六百石

百官表師古曰甲乙丙丁庚辛壬癸皆有正位唯戊巳寄治耳今所置校尉亦無常

居故取戊巳為名也有戊校尉有巳校尉一說戊巳居中鎮覆四方今所置校尉亦處西域之中撫諸國也

戊巳校尉

王莽傳中陳良終帶

奉車都尉駙馬都尉

奉車都尉掌御乘車駙馬都尉掌駙馬皆武帝初置

秩比二千石

百官表師古曰駙副馬也非止駕車皆為駙馬一曰駙近也疾也

西漢會要卷三十二

欽定四庫全書

西漢會要卷三十三

宋 徐天麟 撰

職官三

三輔

京兆尹

師古曰京大也兆者衆數言大衆所在

內史周官秦因之掌治京師景帝二年分置左內史右內史武帝大初元年更名京兆尹屬官有長安市廚兩

令丞又都水鐵官兩長丞左內史更名左馮翊屬官有廩犧令丞尉又左都水鐵官雲壘長安四市四長丞皆

屬焉

百官表

長安游徼獄吏秩百官

趙廣漢傳

左馮翊

張晏曰馮輔也翊佐也

見上京兆尹條

司東市令

貨殖傳

左馮翊二百石卒史

黃霸入穀補此官

右扶風

張晏曰扶助也風化也

主爵中尉秦官掌列侯景帝中六年更名都尉武帝大初元年更名右扶風治內史右地屬官有掌畜令丞又有都水鐵官廩廚四長丞皆屬焉與左馮翊京兆尹是為三輔皆有兩丞列侯更屬大鴻臚元鼎四年更置三輔都尉都尉丞各一人

百官表又元帝紀建昭三年分三輔都尉扶皆二千石

郡國

諸侯王國

諸侯王高帝初置金璽鑒綬掌治其國有大傅輔王內  
史治國民中尉掌武職丞相統衆官群卿大夫都官如  
漢朝景帝中五年令諸侯王不得復治國天子為置吏  
改丞相曰相省御史大夫廷尉少府宗正博士官大夫  
謁者郎諸官長丞皆損其員武帝改漢內史為京兆尹  
由尉為執金吾郎中令為光祿勳故王國如故損其郎  
中令秩千石改大僕曰僕秩亦千石成帝綏和元年省  
內史更令相治民如郡太守中尉如郡都尉

百官表



成帝綏和中何武為御史大夫司空與丞相方進共奏  
言往者諸侯不斷獄治政內史典獄事相總綱紀輔王

中尉備盜賊今王不斷獄與政

師古曰與  
讀曰豫

中尉官罷職

并內史郡國守相委任所以一統信安百姓也今內史  
位卑而權重威職相踰不統尊者難以為治臣請相如  
太守內史如都尉以順尊卑之序平輕重之權制曰可  
以內史為中尉

何武傳

景遭七國之難抑損諸侯減黜其官武有衡山淮南之

謀左官之律

諸侯王表應劭曰人道上右今舍天子而仕諸侯故謂之左官也

相掾

梁平王襄傳

舍人

魏勃掃齊舍人門

從史

爰盎傳

內史丞

藝文志河間內史丞王定

內史掾

廣川王傳

侍御史

太倉公傳齊侍御史成

大中大夫

史記年表薄昭

中大夫

太倉公傳齊中大夫病齒齒

中郎曹將

梁王立傳

中郎

伍被為淮南中郎

侍郎

王尊傳

衛士長

昌邑王傳

廩長

王尊傳

太倉令

齊太倉令淳于公

宰人

龔遂傳昌邑王嘗與騶奴宰人遊戲

私府長

路溫舒遷廣陽私府長師古曰藏錢之府天子曰少府諸侯曰私府

中御府長

太倉公傳齊中御府長信田叔傳云魯王發中府錢師古曰中府長之財物藏

也

中謁者

東平王傳中謁者信

黃門郎

師丹傳段猶

大官令

燕王旦傳

食官長

梁王襄傳

尚食監

馮唐傳高祛

永巷長

大倉公傳

宦者

齊王肥傳

中傳

武紀濟川王明坐射殺其太傅中傳廢應劭曰中傳宦者也文三王傳作中尉與紀不同

醫工長

燕王旦傳

大醫

大倉公傳

侍醫

大倉公傳

尚方

郊祀志藥大注云主藥方

少史

河間王恕少史留貴

侍中

霍光傳昌邑王書問侍中君卿

常侍

楚王聘龔舍為常侍

長史

梁平王傳曰欲以傷梁長史

司馬司空

大倉公傳齊淳于司馬北宮司空

太子師傅

吳王濞傳

大將軍

吳田祿伯為大將軍

將軍

齊王襄以魏勃為將軍丁寬為梁孝王將軍

關內侯

霍光傳姊夫昌邑關內侯

左右闕都尉

大倉公傳齊左右闕都尉

大與

成侯董朝為濟南大與馮解為代大與師古曰主爵祿也

冗從

枚舉為梁王使與冗從爭師古曰冗職之從王者也

內官

夫人

廣川王傳明正夫人修靡夫人乘華夫人

美人

淮南王傳令故美人材人得幸者從居

材人

見上

八子

高三王傳以令置八子秩比六百石

孺子 中山王傳

家人子 景十三王傳

永巷僕射 廣川王傳使其大婢為僕射主永巷

異姓諸侯王

漢亡尺土之階繇一劍之任五載而成帝業書傳所記  
未嘗有焉故據漢受命譜十八王訖于孝文異姓盡矣  
表

昔高祖定天下功臣異姓而王者八國張耳吳芮彭越



黥布臧荼盧綰與兩韓信贊

高后欲立諸呂為王問王陵陵曰高皇帝刑白馬而盟  
曰非劉氏而王者天下共擊之今王呂氏非約也太后  
不說問左丞相平及絳侯周勃等皆曰高帝定天下王  
子弟今太后稱制欲王昆弟諸呂無所不可太后喜罷  
朝陵責平勃曰始與高帝啖血而盟諸君不在邪今高  
帝崩太后女主欲王呂氏諸君縱欲阿意背約何面目  
見高帝於地下乎平曰於面折廷爭臣不如君全社稷

安劉氏後君亦不如臣陵無以應之

王陵傳

西楚霸王項籍都彭城漢五年誅徙韓信為楚王六年廢為侯

衡山王吳芮都邾漢五年芮徙長沙

臨江王共敖都江陵漢三年八月子尉嗣為王五年十二月漢虜尉

九江王英布都六漢二年十二月降漢四年漢立布為淮南王十一年布反誅

趙王張耳都襄國漢元年九月耳降漢十月代王歇還  
王趙二年十月漢滅歇三年十一月漢復立張耳為趙  
王五年耳薨子敖嗣為王八年敖廢為侯

代王趙歇都代漢元年十月徙歇王趙以陳餘為代王  
號安成君二年十一月屬漢為太原郡五年以太原為  
國王韓信九月反降匈奴

齊王田都都臨菑漢元年四月降楚田榮為齊王十二  
月項籍擊殺榮立故齊王田假為齊王二年二月田榮

弟橫擊殺假立田榮弟廣為齊王三年十一月漢將韓  
信擊殺廣屬漢為郡四年置齊國王韓信五年徙王楚  
立濟北王田安都博陽漢九年六月田廣擊殺安屬齊  
膠東王田市都即墨漢元年五月田榮擊殺市屬齊  
雍王章邯都廢丘漢二年漢殺邯屬漢為中地隴西北  
地郡

塞王司馬欣都櫟陽漢元年七月降漢為渭南河上郡  
翟王董醫都高奴漢元年七月降漢為上郡

燕王臧荼都薊漢四年九月反誅後九月盧綰為燕王  
十一年反降匈奴

遼東王韓廣都無終漢元年臧荼擊殺廣屬燕

魏三魏豹都平陽漢二年豹降漢為王從漢伐楚四月  
歸漢八月韓信擊虜豹屬漢為河東上黨郡

殷三司馬卬都朝歌漢二年二月降屬漢為河內郡

韓王韓成都陽翟漢元年六月項籍誅成立鄭昌為韓  
三十月漢立韓信為韓王六年信徙太原

河南王申陽都離陽漢元年九月降屬漢為河南郡

長沙王吳芮漢五年二月立六月薨成王臣嗣傳至靖  
王產無嗣國除

魯王張偃高后元年四月以外孫立八年為侯

淮陽王呂彊高后元年四月立五年薨六年壺關侯武  
立八年以非孝惠子誅

堂山王呂不疑高后元年四月立二年薨襄城侯義立

四年立為帝軹侯朝立八年以非惠帝子誅

呂王呂台高后四年以高后兄子立二年薨子嘉嗣六年嘉廢十一月王呂產立七年徙梁十一月王呂大立八年以非惠帝子誅

燕王呂通高后八年七月立八月誅

梁王呂產高后七年二月立八年誅

中大夫 淮南王布中大夫賁赫

大宰 黔布傳隨何使淮南至太宰主之

部刺史

監御史秦官掌監郡漢省丞相遣史分刺州不常置武

帝元封五年初置部刺史掌奉詔條察州

師古曰漢官  
典職儀云刺

史班宣周行郡國省察治狀黜陟能否斷治冤獄以六條問事非條所問即不省一條彊宗豪右田宅踰制以彊陵弱以衆暴寡二條二十石不奉詔書遵承典制倍公向私旁招守利侵漁百姓聚斂為姦三條二十石不郵疑獄風厲殺人怒則任刑喜則淫賞煩擾刻暴剝截黎元為百姓所疾山崩石裂託祥進言四條二十石選補不平苟阿所愛蔽賢寵頑五條二十石子弟怙恃榮勢請託所監六條二十石違公下比阿附豪彊通行貨賂割損秩六百石員十三人成帝綏和元年更名牧秩正令也



表

郡守

郡守秦官掌治其郡秩二千石有丞邊郡又有長史掌

兵馬秩皆六百石景帝中二年更名太守

百官表

郡掾

別駕

黃霸傳別駕主簿車緹油屏泥於軾前

主簿

朱博傳

書佐

朱博傳又王尊補書佐注云律太守書佐十人

欽定四庫全書

西漢會要

功曹

鮑宣為都尉太守功曹  
朱博為亭長遷為功曹

議曹

扶風謁請原  
涉為議曹

賊曹掾

薛宣傳賊曹掾張  
扶通典云主刑罰

決曹掾

薛宣傳決曹掾王立又路溫舒補  
決曹史漢舊儀云決曹主罪法事

賊捕掾

張敞傳賊捕掾絮  
舜師古曰主捕掾

五官掾

王尊傳五  
官掾張輔

門下掾

朱博傳門  
下掾顧遂

門下督

蕭章為京兆  
尹門下督

郡掾祭酒

鮑宣傳薛方嘗為郡掾祭酒

郡文學

梅福為郡文學

郡文學史

鄭崇為郡文學史

郡文學卒史

史記匡衡補平原文學卒史

學經師

平紀元始三年立學官郡國立學置經師一人

宗師

平紀元始五年郡國置宗師

舍人

高紀南陽太守舍人

吏

陳遵與張竦俱為京兆史注云律太守都尉史各一人

從史

陳遵為河南太守遣從史西

諸曹史

朱博傳

右曹掾史

朱博傳

太守卒史

張敞尹翁歸並補太守卒史又儒林傳比百石以下補太守卒史

五經百石卒史

儒林傳元帝好儒郡國置五經百石卒史

直符史

王尊傳

獄史

丙吉為魯獄史

獄小史

尹翁歸為獄小史

小史

谷永少為長安小史翟方進給事太守府為小史

督郵

田延年從卒史尹翁歸補督郵又孫寶補侯文東部督郵

督郵掾

馮野王傳督郵掾趙都

督郵書掾

朱博出為督郵書掾所部職辦

都史

武紀二千石遣都史如淳曰律說都史今督郵是也開惠曉事即為文無害都史

少府

文翁減省少府用度師古曰少府郡掌財物之府以供太守者也

守屬

王尊補守屬

給事太守府

咸宣以佐史給事河東守張湯給事內守為寧成掾

司空

陳咸為南陽太守犯法者以律程作司空師古曰司空主作役官

都尉

都尉秦官掌佐守典武職甲卒秩比二千石有丞秩皆

六百石景帝中二年更名都尉

百官表

關都尉秦官農都尉屬國都尉皆武帝初置

百官表

受降都尉

田廣明傳

宜禾都尉

地理志  
燉煌郡

護漕都尉

朱博徙為并州刺史護漕都尉

尉史

田廣明傳尉史蘓昌漢律近塞置  
都百里一人士史尉史各二人

京兆

華陰京輔都尉治

馮翊

高陵左輔都尉治

扶風

郿右輔都尉治

大原

廣武都尉治

東郡

東阿都尉治

陳留

外黃都尉治

汝南

女陰都尉治

南陽

鄧都尉治

南郡

夷陵都尉治

九江

歷陽都尉治

清河

貝丘都尉治

鉅鹿

下曲陽都尉治

魏

魏都尉治

涿

安平都尉治

欽定四庫全書

西漢會要  
卷三十三

五

常山

南行唐都尉治

勃海

高城都尉治

平原

樂陵都尉治

千乘

蓼城都尉治

濟南

於陵都尉治

泰山

盧都尉治

琅邪

姑幕都尉治

東海

費都尉治

山陽

單父都尉治

沛

蘄都尉治

臨淮

盱眙都尉治

丹陽

歙都尉治

會稽

錢塘西部都尉治  
楊雄賦東南一尉

孟康曰會稽東郡都尉治  
回浦南部都尉治

豫章

新淦都尉治

漢中

褒中都尉治



廣漢

縣竹都尉治  
陰平道北都尉治

犍為

漢陽都尉治

越雋

定非都尉治

牂牁

夜郎都尉治  
進桑南都尉治

金城

孝宣神爵二年置金城屬國以處降羌  
國傳充國西至西部都尉府孟康曰在金城  
趙充

張掖

日勒都尉治  
番和農都尉治  
居延都尉治

天水

勇士屬國都尉治  
源道騎都尉治  
蒲福

安定

參綠主騎都尉治  
三水屬國都尉治

隴西

臨洮南都尉治

酒泉

會水北都尉治  
乾齊西部都尉治  
偃陵障又東部都尉治  
東部障

燉煌

燉煌中部都尉治  
廣至宜禾都尉治  
昆侖障  
廣侯官

龍勒有陽關玉門關皆都尉治

卷三十三

北地

富平北都尉治神泉障  
渾懷都尉治塞外渾懷障

上郡

匈奴歸都尉治塞外匈奴歸障  
龜茲北都尉治

魯山

北都尉治

高望北都尉治  
望松北都尉治

班况部參皆嘗為上河農都尉師古曰上河地名又曰  
上河在西河富平於此為農都尉

虎猛西都尉治

朔方

西部都尉治麻渾  
渠搜中部都尉治

廣牧東部都尉治

五原

東部都尉治捆陽  
成宜中部都尉治原高

蒲澤屬國都尉治

雲中

陶林東部都尉治  
真陵西部都尉治

西部都尉治田辟  
北輿中部都尉治

定襄

武進西部都尉治  
武要東部都尉治

武臯中部都尉

鴈門

沃陽西部都尉治  
平城東部都尉治

上谷

寧西部都尉治  
女祁東部都尉治

代郡

高柳西部都尉治  
且如東部都尉治

馬城東部都尉治

漁陽

要陽都尉治

右北平

資都尉治

遼西

柳城東部都尉治  
交梨東部都尉治

樂浪

昭明南部都尉治

遼東

無慮西部都尉治  
侯成中部都尉治

武次東部都尉治

鬱林

領方都尉治

交趾

麋冷都尉治

合浦

朱廬都尉治

九真

無切都尉治

郡國均輸鹽鐵官

武帝元封元年因桑弘羊請置大農部丞數十人分部

主郡國各往往置均輸鹽鐵官郡不出鐵者置小鐵官

鄧展曰使屬所在縣食貨志

元帝初元五年罷鹽鐵官永光三年復紀本

千乘郡

河東黃霸補河東均輸官

已上並有均輸官

河東安邑

大原晉陽

南郡

巫

鉅鹿

堂陽

勃海

章武

千乘

琅邪

海曲  
長廣

計斤

會稽

海鹽

犍為

南安

蜀

臨邛

益州

連然

巴

朐忍

安定

三水

北地

弋居

上郡

獨樂

西河

富昌

朔方

沃墜

五原

城宜

鴈門

樓煩  
沃陽有長丞

漁陽

泉州

隴西

遼西

海陽

遼東

平郭

南海

番禺

蒼梧

高安

東平

北海

都昌  
壽光

東萊

曲城  
楊昌

輜  
當利

東牟

已上並有鹽官

京兆

鄭

右馮翊

夏陽

右扶風

雍漆

弘農

宜陽  
黽池

河東

安邑  
安民

絳  
平陽

大原

大陵

河內

隆慮

河南

潁川

陽城

汝南

西平

南陽

宛

廬江

皖

山陽

沛

沛

魏

武安

常山

都鄉

千乘

郡  
千乘

濟南

東平  
歷城  
陵

泰山

嬴

齊

臨淄

東萊

東羊

東海

下邳  
胸

臨淮

鹽漬  
堂邑

桂陽

漢中

沔陽

犍為

武陽  
南安

蜀

臨邛

琅邪

漁陽

漁陽

右北平

夕陽

遼東

平郭

隴西

膠東

郁秩

魯

楚

彭城

廣陵



中山

北平

東平

城陽

莒

涿

已上並有鐵官

並地理志

列郡別置官

齊三服官

貢禹傳貢禹上疏曰故時齊二服官輸物不過十笥方今齊三服官作工各數十人一歲

費數

鉅萬

元帝初元五年罷齊三服官

本紀

哀帝即位詔齊三服官諸官織綺繡難成害女紅之物

皆止作無輸

本紀

陳留

襄邑

齊

臨淄

已上並有服官

河南

郡

南陽

宛

濟南

東平陵

泰山

郡

奉高

潁川

郡

河內

懷

蜀

成都

廣漢

郡

雒

已上並有工官

雒陽武庫令

魏相傳車千秋子為雒陽武庫令

京兆船司空

地理志師古曰本主船之官遂以為縣

大原郡桐馬官

地理志初名家馬官後改曰桐馬桐音動

遼東郡襄平縣牧師官

百官志

上郡庫令

成紀上郡庫令良注云漢官北邊郡庫官兵器所藏故置令

南郡發弩官

地理志師古曰主教放弩

南郡編縣雲夢官

江夏郡西陵縣雲夢官

廬江郡樓船官

九江郡陂官

九江郡湖官

丹陽郡銅官

桂陽郡金官

蜀郡嚴道縣水官

巴郡朐忍縣橘官

巴郡魚復縣橘官

南海郡圃羞官

南海郡中宿縣汪浦官

交趾郡羸樓縣羞官

並地理志

北假田官

元紀晉灼曰北假地名

縣令長

縣令長皆秦官掌治其縣萬戶以上為令秩千石至六百石減萬戶為長秩五百石至三百石皆有丞尉秩四百石至二百石是為長吏百石以下有斗食佐史之秩

是為少史大率十里一亭亭有長十亭一鄉鄉有三老  
有秩嗇夫游徼三老掌教化嗇夫職聽訟收賦稅游徼  
循禁賊盜縣大率方百里其民稠則減稀則擴鄉亭亦  
如之皆秦制也

百官表

### 掾史

縣掾

郭解傳楊李  
生子為縣掾

門下掾

原涉傳王游公  
為茂陵門下掾

戶曹掾史

尹賞為長安令  
部戶曹掾史

縣史

衛青以縣史給事侯家

令史

項羽傳陳嬰故東陽令史

獄史

于公為縣獄史

獄小史

路溫舒為獄小史

小史

田廣明傳圍小史

外史

平帝元始元年置外史閭師秩六百石

閭師

見上

校經師

平帝元始三年立學官縣道邑侯國曰校校置經師一人鄉曰庠庠曰序庠序置孝經師一人

功曹

朱博給事縣為亭長稍遷功曹

鄉史

尹賞部鄉史亭長里正父老五人

里正

見上

里監門

酈食其為里監門

求盜

高紀應劭曰舊時亭有兩卒一為亭父掌開閉掃除一為求盜掌逐捕盜賊

西漢會要卷三十三